

propellunt, quidam menses mouent: alii fluxiones omnes sistunt: alii vires recreant.

A Partibus, quidam sunt capitales, alii cordiales, alii stomachici, alii hepatici, alii aliis partibus conueniunt.

Pulueres seu species corroborantes vel alterantes cōficiuntur ex omnib. plantarum partibus, succis arefactis, lapidibus pretiosis, corallis, margaritis, quibusdam metallis, pro cuiuslibet partis vsu. Omnia autem in tenuissimum puluerem rediguntur, per setaceum seu cribrum aliquoties traiciuntur, & ne vis eorum euanescat, in pyxidibus diligenter occlusis reseruantur.

Vsus tempore, qui suauiores sunt, exhibentur vel per se. Sic pulueri, qui concoctionem adiuuare debet, nihil superbibendum. Vel cum vino, vel alio liquore aliquo. Qui vero insuaues sunt, cum saccharo sumuntur: eiusmodi species plures in officinis habentur, eiusdem cū tabellis nominis, ut sunt species tab. nuc. mosc. diambrae, diamargariti, diamoschi, diarhodi, triasantali, aromatici rosati, diagalangæ, diacymini, dianisi & similes, ex quibus secundum Medici præscriptum cum saccharo, vel ex vno genere specierum, vel plurium tabellæ conficiuntur.

Exempli gratia, capite per consensum ventriculi laborante,

℞. Specier. dianthos, aromatici ros. garyoph.  
an. ℥ i.

cinamom. electi ℥. ℞.

coriandri prepar. ℥ iiii.

cubebar. nucis mosch. an. ℥ ii.

gary-